



光州志卷十二

直隸光州知州高兆煌總修

學宮志

古之王者建國君民敬學爲先古之教者家有塾黨有庠州有序國有學天子曰辟廱諸侯曰頌宮四代之學有虞氏土庠下庠夏后氏東序西序殷人右學左學周人兼之周官大司樂掌成均之法以治建國之學政而合國之子弟焉凡有道者有德者使教焉死則以爲樂祖祭於瞽宗大胥春入學舍

音采讀作菜

光州志

卷十三

學宮

合舞秋頒樂合聲月令仲春之月上丁命樂正習舞釋菜天子乃帥三公九卿諸侯大夫親往視之仲丁又命樂正入學習樂古者教胄子必以樂樂者所以動盪血脉流通精神養其中和之德而救其氣質之偏者也故與詩書執禮並重文王世子凡學春夏釋奠於其先師秋冬亦如之又凡始立學者必釋奠於先聖先師及行事必以幣劉氏執中曰周有天下立四代之學虞庠則以舜爲先聖夏學則以禹爲先聖殷學則以湯爲先聖東膠則以文王爲先聖各取當

新修

光緒

光緒二十九年

時左右四聖成其德業者爲之先師配享焉此天子立學之法也又祭義祭先聖於西學所以教諸侯之德也先聖卽樂祖西學卽瞽宗先王旣祀先聖先師又祀先賢所以尊道崇教如此其至也後漢書明帝永平二年上躬養三老五更於辟雍郡道縣行鄉飲酒禮於學校皆祀聖師周公孔子新唐書高祖武德二年詔國子監學立周公孔子廟各一所七年帝詣國子學釋奠於先聖先師貞觀二年左僕射房元齡等議武德中詔釋奠於太學以周公爲先聖孔子配

光州志

卷十二

學宮

二

享臣以爲周公尼父俱稱聖人庠序置奠本緣孔子故五代及隋皆以孔子爲先聖顏回爲先師別祀周公請停周公以孔子爲先聖顏回配從之至是以後遂定以孔子爲先聖顏子爲先師永遠尊奉無有更易矣孔子集諸聖之大成垂德教於萬世古之稱聖人者皆以孔子爲極魯哀公十六年孔子卒十七年仍舊宅立廟置守塋廟一百戶世世相傳以歲時奉祠孔子冢出闕里志漢高帝十二年上過魯以太牢祠孔子封孔子九代孫騰爲奉祀君詔諸侯王卿相至郡

先廟謁而後從政元帝初元元年封孔子十三代孫
霸闕內侯食邑八百戶號褒成君令以所食邑祀孔
子平帝元始元年追諡孔子曰褒成宣尼公改封十
六代孫均爲褒成侯食邑二千戶東漢光武建武五
年帝過魯使大司空祠孔子明帝永平十五年帝東
巡至魯詣孔子宅祠仲尼及七十二弟子親御講堂
命皇太子諸王說經章帝元和二年帝過魯祠孔子
作六代之樂帝升廟西面羣臣中庭北面皆再拜帝
進爵而後坐大會孔氏男子六十三人命儒者講論

光州志

卷十二

學宮

三

語桓帝元嘉二年詔孔子廟置百戶卒史一人掌領
禮器以孔子十八代孫澍爲魯從事靈帝光和元年
置鴻都門學畫先聖及七十二弟子像曹魏黃初二
年改封孔子二十一代孫羨爲宗聖侯令魯修舊廟
又於外廣爲屋宇以居學者正始二年帝講論語通
五年講尚書通七年講禮記通並使太常釋奠以太
牢祠孔子於辟廡以顏淵配邱氏濬謂漢以來釋奠
之禮始見於此前此祀孔子者皆於闕里至是始行
於太學矣晉武帝太始三年改封孔子二十三代孫

震爲奉聖亭侯詔太學及魯國四時備三牲以祀孔子七年皇太子講經親釋奠於太學太子進爵於先師中庶子進爵於顏子成帝咸康元年上半年上親講經行釋奠禮於辟雍穆帝昇平元年上半年上講經詔以中堂權立太學行釋奠禮劉宋文帝元嘉二十二年太子釋奠採魏晉故事裴松之議應舞六佾宜設軒懸之樂牲牢器幣悉依上公孝武帝孝建元年詔建仲尼廟同諸侯之禮梁武帝天監四年詔立孔子廟置五經博士立州郡學元魏太武帝始光三年起太學於城

光州志

卷十三

學宮

四

東祀孔子以顏淵配獻文帝天安元年詔立鄉學郡置博士二人助教二人學生六十人孝文帝太和十六年詔宣尼廟別勅有司饗薦之禮改謚孔子爲文聖尼父十九年帝如魯城祠孔子改封二十八葉孫靈珍爲崇聖侯拜孔氏四人顏氏二人官立國子太學四門小學於洛陽二十一年賜田以養孔氏子孫北齊文宣帝天寶元年改封孔子三十代孫渠爲恭聖侯定釋奠每歲春秋二仲行禮每月朔制祭酒頌博士以下及國子諸學生以上太學四門博士升堂

助教以下太學諸生階下拜孔聖揖顏子曰行事郡學則於坊內立孔顏廟博士以下亦每月朝宇文周靜帝大象二年詔追封孔子爲鄒國公裔孫襲爵如之隋開皇間贈孔子爲先師尼父大業四年改封孔子三十二代孫嗣慙爲紹聖侯定制國子寺每歲四仲月釋奠州縣學則以春秋仲月釋奠唐高祖武德九年詔改封孔子三十三代孫德倫爲褒聖侯太宗貞觀元年詔孔氏子孫並免賦役四年詔州縣皆作孔子廟此郡縣學立廟之始前此州縣學雖以春

光州志

卷十二

學宮

五

秋仲月釋奠實廟在坊內尚未置有特廟也十一年詔尊孔子爲宣父十四年帝釋奠於國子學二十年中書侍郎褚遂良等奏請國學釋奠令國子祭酒爲初獻祝辭稱皇帝謹遣仍令司業爲亞獻博士爲終獻其諸州刺史爲初獻上佐爲亞獻博士爲終獻其縣學令爲初獻丞爲亞獻無博士以主簿爲終獻若闕並以次差攝州縣獻主國學令祭以太牢樂用軒縣六佾之舞並登歌一部上丁與大祭祀相遇改用中丁州縣常用上丁無樂牲用少牢邱氏濬謂此後

禮國學遣官釋奠之始前此蓋學官自祭也而州縣以守令主祭亦於此始矣二十一年詔以左邱明卜子夏公羊高穀梁赤伏勝高堂生戴聖毛萇孔安國劉向鄭衆賈逵杜子春馬融盧植鄭元服虔何休王肅王弼杜預范甯二十二人代用其書垂於國胄自今有事於太學並令配享尼父廟堂高宗顯慶三年詔仲尼廟樂用宣和之舞國子博士范頴撰樂章乾封元年車駕過曲阜祀孔子贈太師總章元年贈顏回太子少師曾參太子少保並配享孔子開元八年

光州志

卷十二

學宮

六

司業李元瓘言孔宣父廟顏子配像立侍據禮合從坐侍又四科弟子閔子騫等雖列像廟堂不預享祀而范甯等皆霑從祀請列享在二十二賢之上七子者文翁之壁尚不闕如豈有國庠遂無圖繪請圖形於壁兼爲立贊曾參以孝受經於夫子請享之如二十二賢乃詔顏子等十哲爲坐像悉預祀曾子特爲像坐十哲之次圖七十子及二十二賢於廟壁上以顏子亞聖親爲製贊閱損以下令在朝文士分爲之十三年詔褒聖侯每代長子一人承爵兼賜一子

官二十七年詔追諡孔子爲文宣王南向坐

先是周

公南面而夫子坐西牖下貞觀中停周公祭而夫子位未改至是二京國子監天下州縣夫子始皆南向

被王者袞冕服兩京樂用宮懸追贈顏子爲兗公西

向配閔子騫冉伯牛冉仲弓宰子我端木子貢冉子

有仲子路言子游卜子夏九人爲侯曾子輿等七十

三人爲伯東西列侍改封孔子三十五代孫璲之爲

文宣公二十八年詔春秋二仲上丁致祭以三公攝

事五代朱溫時祀典寢廢後唐莊宗長興二年復祀

文宣王廟後周太祖廣順二年親征至兗如曲阜謁

光州志

卷十二

學宮

七

孔子祠旣奠將拜左右曰孔子陪臣也不當以天子

拜之太祖曰孔子百世帝王之師敢不敬乎遂拜如

墓復拜勅禁樵採宋太祖建隆元年帝視國子學詔

增置祠宇塑繪先聖賢像自爲贊書於孔顏座端令

文臣分撰餘贊禮成詔置戟仗於中門外乾德五年

詔以孔宜爲曲阜主簿奉孔子祀宜孔子四十四代

孫文宣公仁玉之子五季以來襲封廢絕至是始命

宜主祀事也太宗太平興國三年詔復孔宜襲封文

宣公帝召宜問孔子世嗣宜言歷代以聖人之後不

預庸調周顯德中自田遂抑本家爲編戶至今不免
詔復其家真宗一三年諸道州府軍監以庫餉支
葺所在文宣王中祥符元年如曲阜謁文宣王

廟內外設黃麾仗上服鞞袍行酌獻禮再拜又詣叔
梁紇堂命近臣分奠七十二弟子及先儒遂如孔林
以樹木擁道降輿乘馬至墓又奠拜加謚曰元聖文
宣王追封父叔梁紇齊國公母顏氏魯國太夫人妻
元官氏鄆國夫人二年令就廟立學預養孔氏子孫
封弟子顏回爲竟國公閔損等九人爲公會參等六

光州志

卷十二

學宮

八

十二人爲侯先儒左邱明等二十一人爲伯內王肅
故蘭陵亭侯贈司空杜預故當陽侯贈司徒五年以
元聖犯聖祖諱改爲至聖天禧元年詔釋奠儀注及
祭器圖令崇文館雕印頒行天下諸路仁宗嘉祐六
年賜飛白書殿榜并金字篆廟碑初寫碑時帝齋戒
沐浴至和二年太常博士祖無擇言祖諱不可加後
嗣乞更定美謚乃改封孔子四十六代孫文宣公宗
愿爲衍聖公神宗元豐六年追封孟軻爲鄒國公七
年詔以配食孔子位次顏子荀况楊雄韓愈並封伯

從祀哲宗元祐元年令孔子後襲封者專主奉祀睦族不領他職每遇親祀大禮冬正朝會許赴闕陪位八年勅將元年舊賜祭田一百頃均給族人新賜田一百頃撥二十頃贍廟學生員二十頃充歲時祭祀十頃置殿庭簾幙其五十頃歲收租修葺祠宇隨又增賜田一百大頃免其稅課徽宗崇寧元年詔追封孔鯉爲泗水侯孔伋爲沂水侯四年以王安石配享孔子位次孟子名辟雍文宣王殿曰大成大觀元年令每歲貢士始入辟雍並以元日釋菜於先聖二年

光州志

卷十三

學宮

九

詔躋子思從祀四年廟門增立二十四戟並如王者之制弟子公夏首后處公肩定顏祖鄒單罕父黑秦商原亢樂欬廉潔十人續贈侯爵從祀國學禮樂錄云宋祥符大觀中加封孔門弟子八十二人比家語少懸置一人多公伯寮秦冉林放申根鄒單遽環六人政和三年追封王安石爲舒王子雱爲臨川伯並從祀欽宗靖康元年罷王安石配享猶從祀廟庭徹雱從祀高宗建炎元年孔子四十八代孫衍聖公端友從帝南渡遂居於衢二年以端友之子玠襲封衍聖公於

八年賜衍聖公玠衢州田五頃以奉祀事十年詔

文宣主殿與大社大稷並爲大祀孝宗淳熙四年去
王雱畫像理宗寶慶三年詔贈朱熹太師追封信國
公紹定三年改封徽國公淳祐元年詔追封周敦頤
汝南伯張載鄱伯程顥河南伯程頤伊陽伯與徽國
公朱熹並從祀孔子廟庭黜王安石從祀景定二年
詔追封張栻呂祖謙爲伯從祀度宗咸淳三年以曾
參孔伋並顏回孟軻配享升顥孫師於十哲列邵雍
司馬光於從祀遼太祖神冊三年建孔子廟於遼都
次年落成躬謁祭奠宋高宗南渡衍聖公端友從居

光州志

卷十三

學宮

十

於衢金遂以端友之弟端操權襲封衍聖公於魯世
宗大定十四年國子監大成殿成詔聖像冕十二旒
服十二章兗國公鄒國公像九旒九章上親釋奠登
歌雅樂章宗明昌元年查舊賜田二百大頃兵革蕩
失過半召戶部於近縣貼撥足之二年廟門置下馬
牌五年續給地六十餘頃房四百間泰和元年再撥
廟東南地六十四畝有奇助釋奠費承安二年春丁
親祀孔子以親王攝亞終獻元世祖至元十年詔春
秋二丁執事官各依品序朝服致祭諸弟子員衣襪

衫戴唐巾行禮十九年孔子五十三代孫宋衍聖公
洙辭爵授國子祭酒兼提舉湖東學校成宗大德元
年勅有司到任先謁孔子以次詣神廟著爲令武宗
卽位制加孔子號曰大成武宗至大二年定制大成
至聖文宣王春秋二丁釋奠用太牢仁宗皇慶二年
以許衡從祀孔子延祐三年追封孟子父孟孫氏爲
邾國公母爲邾國宣獻夫人以孔子五十四代孫思
晦襲封衍聖公文宗至順元年加封孔子父叔梁紇
爲啓聖王母顏氏爲啓聖王夫人顏子克國復聖公

光州志

卷三

學宮

十一

曾子邾國宗聖公子思沂國述聖公孟子鄒國亞聖
公程顥豫國公程頤洛國公以漢董仲舒從祀位列
七十二子下順帝元統三年封顏子父無繇爲杞國
公明太祖洪武元年詔以太牢祀孔子於國學仍遣
官祭告闕里定列朝登極永著爲制以孔子五十六
世孫希學襲封衍聖公第希大爲曲阜知縣皆世襲
立孔顏孟三氏教授司尼山洙泗二書院四年令進
士釋褐詣國學行釋菜禮十五年太學成孔子以下
去塑像以木主帝遂視學釋菜皮弁服詣位再拜獻

爵復再拜十七年勅每月朔望祭酒以下行釋菜禮
郡縣長以下詣學行香二十六年頒大成樂於天下
府學令州縣如式製造二十九年罷楊雄從祀英宗
正統二年以宋儒胡安國蔡沈真德秀從祀三年禁
祀孔子於釋老宮景泰三年令顏子孟子嫡孫世爲
五經博士六年以宋儒朱熹裔孫挺世襲五經博士
七年以宋儒周敦頤裔孫冕世襲五經博士憲宗成
化二年追封董仲舒胡安國蔡沈真德秀爲伯十三
年增孔子樂舞籩豆之數孝宗弘治六年以孔子五
十九代孫彥繩世爲五經博士至衢州廟祀九年追
封宋儒楊時爲將樂伯從祀十二年闕里廟災遣官
祭告十七年闕里廟成遣輔臣李東陽祭告武宗正
德元年設子思書院置博士一員以衍聖公嫡次子
孫爲之世宗嘉靖元年帝視太學謁孔子止輦於櫺
星門外以朱熹守婺源祠十一世孫聖蔭世襲五經
博士九年釐正舊號題曰至聖先師孔子神位四配
稱復聖顏子宗聖曾子述聖子思子亞聖孟子之位
從祀十哲以下及門弟子七十二人皆稱先賢某子

之位左邱明以下二十九人皆稱先儒某子之位盡
罷公侯伯諸封爵又罷祀公伯寮秦冉顏何荀况戴
聖劉向賈逵馬融何休王肅王弼杜預吳澄十三人
改祀先賢林放蘧瑗先儒鄭元鄭衆盧植服虔范甯
七人於其鄉進后蒼王通胡瑗歐陽修陸九淵從祀
改稱大成殿爲先師廟大成門曰文廟減籩豆十八
爲十二侑爲六闕里天下府州縣籩豆十爲八特立
祠祀叔梁紇稱啓聖公以顏無繇曾點孔鯉孟孫激
配稱先賢程珦朱松蔡元定從祀稱先儒撤無繇點
鯉兩廡從祀從大學士張璠之請也是時璠以議禮
迎合世宗寵信無比而聖廟祀典持論多正故悉可
其奏而行之十八年令曾子嫡孫世襲五經博士穆
宗隆慶五年以薛瑄從祀神宗萬歷十二年以新建
伯王守仁檢討陳獻章布衣胡居仁從祀二十三年
以周輔成從祀於啓聖祠四十二年以羅從彥李侗
從祀懷宗崇禎十五年議改周邵二程張朱六子木
主進稱先賢位列七十子之下漢唐諸儒之上定制
歲仲春秋上丁皇帝御奉天殿傳制遣大臣以太牢

致祭至聖先師孔子於太學南京太學遣祭酒禮三
獻樂六奏文舞六佾司府州縣衛學各提調官行事
用少牢禮樂如太學是日子夜先祭啓聖公用少牢
太學遣祭酒南京太學司業司府州縣衛學各提調
官行事比我

章皇帝定鼎之初年卽遣官祭告闕里二年

幸太學行釋奠禮八年遣都御史劉昌詣闕里祭告
加稱大成至聖文宣先師孔子以孔子六十六代孫
興襲封衍聖公進爵少保兼太子太保九年

光州志

卷十二

學宮

十四

視太學行釋奠禮詔孔氏四人顏氏二人入覲觀禮
賜官有差

七皇帝康熙元年視太學行釋奠禮七年

遣光祿寺卿楊永寧詣闕里祭告九年以程子後裔
宗昌世襲五經博士十五年以仲子後裔秉貞世襲
五經博士十九年以程氏二子不應止襲一人特增
博士一員令程頤嫡子孫承襲又以周子張子後裔
世襲五經博士如程朱二氏例二十二年

詔議祀禮國子監祭酒王士正奏聖莫盛於仲尼禮

莫大於祀典故凡受命之君莫不奉以爲師崇其秩祀我

皇上親政以來丕崇文教臨雍釋奠誠以道隆則從而隆不拘乎其位也臣考前代自漢高帝以太牢祀孔子至唐宋元而隆以王號明成化間祭酒周洪謨奏請舞佾當與冕服相稱增以八佾十二籩豆雖歷代因革損益不同然以至聖之道歷久彌尊故凡崇祀之典有隆無替其改大祀爲中祀則嘉靖九年佞臣張璁之議也臣伏思孔子德配

光州志

卷十一

學宮

五

天地道冠古今自生民以來誠未有盛焉者也揣璁之意不過以孔子生未得位不當舞八佾不知以位論之非但不得舞八並不得舞六乃歷代之君相與尊崇有加無已者以道不以位也且祭從主者以天子而祀其師自當用天子禮樂我

皇上文德武功超邁前古褒崇正學誅斥異端直接堯舜以來之道統則議禮制度考文上軼百王下垂億禩此其時矣乞

勅下禮臣并廷臣集議先師祀典樂舞籩豆酌成化

十六年

勅禮臣修飭文廟禮制樂器令天下學宮擇鄉郡俊秀習佾舞二十八年

御製顏曾思孟四子贊頒布天下俾勒石於學宮三十八年東巡狩

駕幸闕里祭先聖行釋奠禮翼日如墓祭拜如廟禮以閔子後裔衍籀端木子後裔謙並世襲五經博士四十一年以邵子後裔文學世襲五經博士四十三年平定朔漠告成太學立碑釋奠四十四年南巡狩

光州志

卷十二

學宮

七

言子裔孫德堅召對

行在予襲五經博士五十一年以朱子發明聖道軌於中正厥功甚偉加意褒崇

命禮臣升耐木至於十哲之次配享至聖五十四年以宋名臣范仲淹從祀五十八年

遣禮部員外郎舒瞻賫送中和樂器一分於闕里孔子廟

世宗憲皇帝雍正元年封啓聖公以上五代王爵更名崇聖祠二年三月臨雍行釋奠禮定樂舞祭器圖式鎮

行天下學宮增祀先賢縣置牧皮樂正子公都子萬章公孫丑漢諸葛亮宋尹焯魏了翁黃幹陳淳何基王柏元趙復金履祥許謙陳澧明羅欽順蔡清及

國朝陸隴其於東西廡增祀宋張迪於崇聖祠復先

賢林放蓮瑗秦冉顏何及漢鄭康成晉范甯從祀以

卜子商韓子愈後裔世襲五經博士三年十二月

書生民未有扁額頒懸闕里大成殿及天下學宮令

避至聖諱改邱字四年八月初八日詣太學行釋奠

禮五年以至聖誕辰宋羅泌路史云子曩釋齊書見臧榮緒以宣尼庚子日生每以

光州志

卷十二

學宮

六

是日陳五經而拜之未嘗不仰之也奈何夫子一誕
生之日史傳紀載靡有定恪瑤瑒子云宣父畏以元
辰而五行書論孔子以庚戌年二月二十三日庚子
甲申時生按庚戌乃魯襄公之二十二年是歲周靈
王之二十一年而長歷其年二月二十三日實為庚
子以哀公之十六年壬戌歲四月乙丑卒乃敬王之
四十三年享七十有三齡然公羊傳乃于襄公二十
一年書十一月庚子孔子生穀梁傳則繫于十月之
後蓋十二月二十二日之庚子也是歲閏申以元術
論節過在子可以庚戌語然或以為十月庚子則是
今之八月乃襄公之二十一年而靈王之二十年也
然歲在巳酉則為年七十一有四不得謂之庚戌故劉
外紀謂孔子年七十四雖然公羊子言十一月是月
固無庚子以孔氏家譜及祖庭記等語以俱云二十
二年十月庚子乃周正乃今之八月亦非得云二月
月節雖已過不知周正乃今之八月亦非得云二月
矣今定著八月二十七日令中外大小各官致齋一日
日為先聖人孔子生日

著爲例八年十二月闕里文廟告成

命皇五子淳郡王祭告今

上乾隆二年命太學大成殿易蓋黃瓦崇聖祠正祠
易蓋綠瓦復先儒吳澄從祀三年三月初二日臨雍
釋奠行三獻禮

書與天地參扁額頒懸闕里及天下學宮又

製氣備四時與天地鬼神日月合其德教垂萬世繼
堯舜禹湯文武作之師頒聯懸闕里及太學大成殿
升先賢有子於東哲五年八月十九日

光州志

卷十二

學宮

九

詣太學釋奠九年二月初九日

詣太學釋奠十三年東巡狩

駕幸闕里行釋奠禮聖賢後裔賞賚有差十六年南
巡狩遣官祭告闕里十八年二月初五日

詣太學釋奠定兩廡先賢先儒位次二十年平定準
噶爾告成太學立碑釋奠二十一年南巡狩

詣闕里祭告二十四年平定回部告成太學立碑釋

奠我

皇上紹庭建極重道崇儒其於尊祖先師之典洵爲軼

越千古矣光州學宮在州治西大成殿五楹臺高三尺三出陛前爲東廡五楹西廡五楹又前中戟門五楹戟門左右有兩掖門各一楹前爲泮池中跨橋一孔左名宦祠三楹西向右鄉賢祠三楹東向又前櫺星門三楹外南爲照壁東西爲兩闕門各一楹左曰聖闕右曰賢闕正殿左右各有門一楹左曰禮門右曰義路向後爲崇聖祠五楹前出陛又後爲明倫堂五楹前出陛中三楹爲堂東西兩楹隔以垣門前出爲左右兩齋明倫堂南左門一楹東出往南一激矢

遼西直聖闕門東直奎星閣州之有廟元以前不可考舊志載創建之人則爲泰定間知州王家奴明洪武初知州陳惠天順五年知州周濠弘治六年知州葉預相繼修葺十五年知州張輝又重新大成殿兩廡戟門泮池櫺星門敬一亭啓聖祠奎星樓溫公祠與明倫堂東進德修道二齋西日新一齋及日新齋南之省牲所堂左之祭器庫堂西之尋樂亭啟聖祠北之饌堂明倫堂後之官廡學東之號舍舍東有池中有井後有圃正德七年燬於兵次年知州李鏗又

葺之嘉靖三十年知州謝汝誠重修殿廡及戟門
慶二年知州張汝學萬歷四年知州陳華相繼又修
崇禎十四年經兵燹大成殿圯兩廡戟門名宦鄉賢
祠明倫堂皆燬廢

國朝順治五年知州徐化成修大成殿建明倫堂十
一年郡人胡章修鄉賢祠康熙三年知州鄒應錫修
戟門及名宦祠十年知州宋允治學正張之奇重修
大成殿及兩廡十七年知州王守祿修文廟前門二
十一年知州張信修啓聖祠敬一亭及儒學前門六

光州志

卷十二

學宮

三

十一年知州劉學禮重修大成殿東西廡櫺星門及
東西兩闕門雍正十一年知州高士鑰學正李士詩
增修殿廡及崇聖祠乾隆十七年知州謝鏗擴明倫
堂舊址建爲五楹十八年知州吳一嵩重新大成殿
及兩廡增建戟門五楹移建崇聖祠五楹於大成殿
後改建名宦祠坐左向右鄉賢祠坐右向左其敬一
亭圯久遺址今無存矣乾隆元年部議士人讀書必
能博通經史方爲明體達用之學如十三經二十一
史外省固有坊刻流傳而單寒之士或無力購買以

致見聞不廣查府州縣學宮設立尊經閣原以藏
書籍而各省會俱奉

旨設有書院亦一省人材聚集之所則於書院並有尊
經閣之處多貯書籍誠於國家造就人材之道大有
裨益但各省遠近不一頒發頗繁應令各督撫於省
會書院並有尊經閣之府州縣動用公存銀兩各就
近將十三經二十一史諸書購買頒發交與各該學
教官接管收貯令士子熟習講貫則博通經史者自
多其動用銀兩仍報部查核奉

光州志

卷三

學宮

三

旨依議通行直省各府州縣光州學宮存貯歷年頒發
書籍有

御纂周易折中

部一

欽定書經傳說彙纂

部一

欽定詩經傳說彙纂

部一

欽定春秋傳說彙纂

部一

欽定性理精義

部一

御批資治通鑑綱目

部一

明史

部一

欽定四書文

部一

大清律例

部一

律例續纂

部一

學政全書

部一

續增學政全書

部一

學宮備考

部一

規過條約

本一

規勸條

約

本一

成均講義

部一

讀書分年日程

本一

古

文雅正

部一

明職書

本一

孝弟詩解

本一

俱教官接管收貯

令士子抄習講貫光山學宮在縣治東南創於宋嘉

祐五年元至元間承直郎王管勸農劉樞重修明洪

武七年知縣譚達又修十五年令天下學宮易塑像

以木主光山像獨存萬歷十六年知縣牛應元十九

年知縣汪先岸相繼增修明末毀廡燬於兵

國朝順治十年邑太常正卿程世昌貢生程世會重

光州志

卷十三

學宮

三

修康熙三十五年知縣楊之徐又修其戟門五楹則

知縣管聲駿於順治十二年增建者也櫺星門凡三

楹俱石作泮池中跨橋一孔曰飛虹舊在櫺星門內

明知縣李養正於萬歷二十九年移門外爲今制池

南爲照壁東西爲兩闕門名宦祠在戟門前左鄉賢

祠在戟門前右啓聖祠在聖廟東明倫堂在聖殿後

堂前東爲育英齋西爲進賢齋射圃在明倫堂東北

隅學門二一在廟垣東一在廟垣西固始縣學宮在

縣治東元至元二年知縣王思忠建天歷三年知縣

張鵬翼修明洪武十二年知縣唐紹宗重建天順間
知縣薛良重修正殿三楹東西廡各九楹戟門三楹
夾戟門兩掖便門各一楹泮池中跨橋三孔櫺星門
三楹外南爲照壁東爲聖域坊西爲賢關坊照壁外
爲大成坊三楹南臨雲路街齋宿所三楹在正殿東
祭器庫三楹在正殿西名宦祠在戟門左鄉賢祠在
戟門右俱南向啓聖祠在聖廟東前有露臺外有垣
有門聖殿後爲明倫堂五楹東西二楹隔以垣藏冊
籍東博文齋西約禮齋各三楹學門三楹在聖域坊
東省牲所三楹在學門內偏東射圃在明倫堂東北
隅自薛良重修後節次補修之人與年月日時舊志
皆失載至

國初廟之前後概皆頽損康熙二十六年知縣楊汝
楫任事以後逐次增修始恢宏如今制息縣學宮在

縣治西宋慶歷七年知縣事張失名創建元至元十五

年知州

時爲息州張名

重建大德十年知州邵從繼修元

末燬於兵明洪武八年知縣張必大重修正統十三
年知縣蔣忠成化五年王剛侯旺正治六年知縣康

恭嘉靖三十三年知縣邵鳴岐三十六年知縣滕霽
隆慶三年知縣趙如崑萬歷五年知縣王用賓相繼
增修正殿五楹東西廡各五楹殿兩翼神庫神厨宰
牲房各三楹又前東致齋所三楹西執事所三楹又
前東名宦祠西鄉賢祠各三楹又前中戟門三楹門
前泮池中跨橋一孔池西北隅土地祠三楹南向池
南櫺星門三楹啓聖祠三楹門一楹周以垣在聖廟
東明倫堂五楹在聖殿後東西齋各三楹東西號舍
各十二間俱在堂前會膳堂三楹倉廩三間在堂左
右敬一亭三楹在堂後尊經閣三楹在啓聖祠後明
季遭兵燹學宮遂頽廢

光州志

卷十一

學宮

五

國朝順治六年分巡道陳聯璧董知縣劉養明重修
十二年知縣邵光蔭繼修以廟中神庫神厨宰牲房
及明倫堂前會膳堂號舍倉廩廢久遂從闕如矣康
熙二十四年知縣鍾儀傑重修周圍廟垣二十九年
知縣鄭振藻三十二年知縣蔣彪相繼重葺殿廡商
城縣學宮在縣治東明成化十一年知縣張俊建十
四年知縣鞏哲修正德七年知縣李允恭嘉靖三十

年知縣萬燭萬歷十二年知縣李周策相繼重修崇禎十四年燬於兵

國朝順治七年知縣衛貞元十一年署知縣汝寧通判錢孔煜次第重修康熙二十五年知縣談永祚又修正殿五楹前東西廡各五楹前中戟門三楹門前左名宦祠右鄉賢祠各三楹中泮池跨橋一孔又前櫺星門三楹門前爲照壁東爲龍門殿後明倫堂五楹堂後尊經閣三楹閣後啓聖祠三楹明倫堂南談永祚闢建東門一楹門外直南爲儒學大門三楹西

光州志

卷十三

學宮

三

直龍門東直黌宮社門三門皆談永祚增建光山固始息縣商城歷年頒貯學宮書籍如州學數惟息縣尊經閣舊另貯有十三經註疏資治通鑑性理大全大學衍義補二十一史諸書當今

右文之代

聖聖相承敬教勸學昭回雲漢之章薪標棧樸之化猗歟盛矣宮牆萬仞上擬

皇居典籍千箱頻頒

秘府車服禮器之設磬鏞錡鼓之陳炳炳烺烺簡簡

將將而直省各府州縣學宮亦罔不恪遵式典恤如
秩如誠以治化之理本於六經人材之興由乎學校
故報禮之典視古爲隆也今司土者職養教之任自
農桑保甲而外卽以學校爲重不惟奉行令甲歲時
展禮便爲事事抑必董率師儒闡發經旨一一體之
當躬不使前言往行徒托佔畢之空文官以實先士
以實率庶乎蒸蒸日上翼

休明也然簿書鞅掌每以勾稽期會爲能學古入官
或猶月露風雲爲尙若夫尊所聞知措之政事端在

光州志

卷十二

學宮

七

循良昔文翁治蜀立學舍以教諸生韋景駿令貴鄉
授孝經以化民子明况鍾起自刀筆亦實重學校禮
文儒承宣德化迥非俗吏所爲然則前史所載皆後
人之師則矣

州學崇峙北城之中修於乾隆癸酉前刺史吳公時
蓋十有八年矣庚寅秋八月余攝州事下車謁廟見
殿檐甍多脫落雨齧其椽桷垣之墜者亦侈剝不治
遂鳩工葺之凡棟楹廉陛瓦級磚雕鏤丹雘務經
久而不徒歸於一時又啓故櫝陳禮樂器而遍觀之

補其殘缺之數若干創庫庖各三楹於明倫堂之東
西并出公項爲典守者之膳費俾博士王君楞疎看
躍龍籍而藏之以昭敬也名宦鄉賢忠義節孝諸祠
暨文昌閣金葺焉閱五月而竣事乾隆辛卯正月下
浣署知州錢塘朱家濂識

光州志卷十三

直隸光州知州高兆煌總修

書院志

學校設教官以造士而州縣更立書院敦延師長陶育人才書院卽古社學也古之教者家有塾黨有庠術有序比年入學中年考校一年視離經辨志二年視敬業樂羣五年視博習親師七年視論學取友九年知類通達強立而不反其敷教之人則尚書大傳云大夫七十而致仕老其鄉里大夫爲父師士爲少

光州志

卷三

書院志

師稷租已藏祫樂已入歲事已畢餘子皆入學年十五始入小學見小節踐小義焉年十八入大學見大節踐大義焉距冬至四十五日始出學傳農事上老平明坐於右塾庶老坐於左塾餘子畢出然後皆歸夕亦如之餘子皆入父之齒隨行兄之齒雁行朋友不相踰輕任並重任分頒白者不提攜出入皆如之古之爲教固如此其篤以至也漢文翁治蜀修起學官於成都而中招下縣子弟以爲學官弟子後遂各郡國立經師授官博士助教等官而東漢鄭康成教

生徒於齊之黌山晉霍原講學於燕之黌嶺梁何孕傳業於會稽之雲山從之者濟濟其中多有成就而唐元和中衡州李寬建石鼓書院以處學徒南唐升太宗太平興國二年知州周述言廬山白鹿洞學徒常數千人乞賜九經肄習詔國子監給本仍傳送之又賜石鼓書院勅額真宗大中祥符二年應天府民曹誠卽戚同文舊居造舍百五十間聚書數千卷博延生徒講習甚盛府上其事詔賜額曰應天

光州志

卷三

書院志

二

府書院命奉禮郎戚舜賓主之仍令本府幕職提舉八年賜潭州嶽麓書院額始開寶中郡守朱洞首度基創宇以待四方學者李允則來爲州請於朝乞賜書是時山長周式以行義著詔見便殿拜國子學主簿使歸教授詔賜書院額增賜中秘書而天下四大書院之名遂著外此又有西京嵩陽書院賜額於至道二年江寧府茅山書院賜田於天聖二年嵩陽茅山後來無聞而慶歷中安定先生胡瑗教學於蘓湖間設經義治事兩齋東脩弟子前後以數千計經義

齋者擇疏通有器局者居之治事齋者人各治一事
又兼一事如邊防水利之類故天下謂湖學多秀彥
其出而爲政多適於世用若老於吏事者由講習有
數故也慶歷四年有司請下湖州取安定之法以爲
太學式後遂著爲令理宗時朱子講學白鹿洞設立
條規曰父子有親君臣有義夫婦有別長幼有序朋
友有信右五教之目堯舜使契爲司徒敬敷五教卽
此是也學者學此而已而其所以學之之序亦有五
焉其別如左博學之審問之慎思之明辨之篤行之
光州志

卷三

書院志

三

右爲學之序學問思辨四者所以窮理也若夫篤行
之事則自脩身以至於處事接物亦各有要其別如
左言忠信行篤敬懲忿窒慾遷善改過右脩身之要
正其義不謀其利明其道不計其功右處事之要已
所不欲勿施於人行有不得反求諸己右接物之要
熹竊觀古昔聖賢所以教人爲學之意莫非使之講
明義理以脩其身然後推以及人非徒欲其務記覽
爲詞章以鈎取聲名利祿已也今之爲學者則旣反
是矣然聖賢所以教人之法具存於經有志之士固

當熟讀深思而問辨之苟知其理之當然而責其身
以必然則夫規矩禁防豈得他人設之而後有所持
循哉近世於學有規其待學者爲已淺矣而其爲法
又未必古人之意故今不復以施於此堂而特取凡
聖賢所以教人爲學之大端條列於右而揭之相間
諸君其相與講明遵守而責之於身焉則夫思慮云
爲之際其所以戒謹恐懼必有嚴於彼者矣反覆丁
寧篤實切近是誠先聖真傳爲萬世學人之津梁也
故一時從學之士德業成就卓然可傳於世者爲多

光州志

卷三

書院志

四

元至元二十八年令江南諸路學及各縣學內設立
小學選老成之士教之或自願延師或自受家學於
父兄者亦從其便其他先儒過化之地名賢經行之
所與好事之家出錢粟贍學者並立爲書院設山長
一員受禮部付身并行省及宣慰司劄付由集賢院
及憲臺等官舉充之當時書院之盛幾遍天下而程
氏分年讀書日程通行書院凡勤學之士多恪守之
其程目曰八歲未入學之前讀性理字訓八歲既入
學之後讀小學書正文次讀大學經傳正文次讀論

譯正文次讀孟子正文次讀中庸正文次讀孝經刊
誤次讀易正文次讀書正文次讀詩正文次讀儀禮
并禮記正文次讀春秋經并四傳正文自十五志學
之年卽當尙志爲學以道爲志爲人以聖爲志自此
依朱子法讀四書註或十五歲前用功失時失序者
止從此起便讀大學章句或問仍兼補小學書大學
章句或問畢次讀論孟集註次讀中庸章句或問次
鈔讀論孟或問之合於集註者次治經鈔讀傳注及
先儒義疏經書旣明之後自此讀史與古文看通鑑

光州志

卷十三

書院志

五

綱目次讀韓文先鈔讀真西山文章正宗內韓文議
論敘事兩體華寔兼者七十餘篇要認此兩體分明
後最得力正以朱子考異表以所廣謝疊山批點日
熟讀一篇或兩篇次讀楚辭正以朱子集注次考制
度制度書多兼治道詳見諸經注疏諸史志書通典
續通典文獻通攷續通攷通志甄氏五經算術以下
脩叅之書甚多先擇制度之大者如律歷禮樂兵刑
天文地理官職賦役郊祀井田學校貢舉等今類如
山堂考索所載歷代沿革考覈本末得失之後斷以

朱子之意與朱子經濟文衡呂成公制度詳說每事類鈔仍留餘紙使可續添又可爲之著論學文之法讀韓文已見前旣知篇法章法句法字法之正體矣然後更看全集及歐陽公會南豐王臨川三家文體然後知展開間架之法緣此三家俱是步驟韓文明暢平實學之則文體純一庶可望其成一大家數文字他如柳子厚蘓明允東坡頽濱及李習之孫可之諸家文皆不可不看如欲敘事雄深雅健可以當史筆之任當直學史記西漢書先讀真西山文章正宗

光州志

卷三

書院志

六

及湯東澗所選者然後熟看班馬全史此乃作紀載垂世之文不可不學學策更略看漢唐策陸宣公奏議朱子封事書疏宋名臣奏議范文正公王臨川蘓東坡萬言書策策略策別等學陳利害則得矣况性理治道制度三者已下工夫亦不患無以答所問矣欲學古賦讀離騷已見前更擇文選中漢魏諸賦七發及晉問熟看大率近世文章視古漸弱其運意則縝密於前但於文選文粹文鑑觀之便見欲學古體制諸章表讀文章正宗辭命類及選看諸家宏辭總類

等體四六章表以王臨川鄧潤父曾南豐蘇東坡汪
龍溪周平園陸放翁劉後村及宏辭總類爲式日止
讀一書自幼至長皆然此朱子苦口教人之語隨日
力性資自一二百字漸增至六七百字日永年長可
近千字而已每大段內必分作細段每段必看讀百
遍倍讀百遍又通倍讀二三十遍凡讀經書倣此所
讀之書日填起止接續而下每日早午晚三際故分
三格按格填明大概早間讀生書午間研攷講解鈔
集晚間溫習每頁十日或逢五逢十或三六九日作

光州志

卷三

書院志

七

文卽將題目登記格內或喜作詩古文詞俱一一記
明每三頁一月逢朔望溫書九頁一季逢節氣溫書
三十六頁一年臘月總溫一年所讀書凡溫書亦必
各卷填明起止填寫式樣年上填幾年月上填某月
府填府名州填州名縣填縣名社字上填某字社生
字上填明廩增附監童等字樣下註本生名其日格
內上旬填初字中旬填十字下旬填廿字每日早間
填上格如讀某經起某處至某處若干遍凡某書某
傳倣此文填某人某篇午間填中格如研某經起至

閱某書起至攷某類鈔集某經書文字若干紙晚間
填下格如溫某經書起至某卷填明每頁最後一格
總計共讀經若干卷研閱攷鈔溫書倣此或因行某
事會某人至某地停課亦必注明按是書由淺及深
條目秩秩士苟奮志修業卽無師傳啓導依此求之
亦可卓然有爲底于有成也明初沿元制凡舊有書
院之處皆不時修理招士肄業其中弘治十七年又
令各府州縣建立社學選擇明師民間幼產十五以
下者送入讀書講習冠昏喪祭之禮然其法久廢寢
不舉行

卷十三

書院志

八

我

朝定鼎以來稽古右文加意學校無地不設之學無
人不納之教養士之澤視古爲隆

世祖章皇帝順治九年題准每鄉置社學一區擇其文義

通曉行誼謹厚者補充社師免其差役量給廩餼優

贍提學按臨日造姓名冊申報查考雍正元年

世宗憲皇帝諭各直省現任官員自立生祠書院令改爲
義學延師受徒以廣文教十一年

諭各省學校之外地方大吏每有設立書院聚集生徒講
誦肄業者朕臨御以來時時以教育人才爲念但稔
聞書院之設實有裨益者少而浮慕虛名者多是以
未曾勅令各省通行蓋欲徐徐有待而後頒降諭旨
也近見各省大吏漸知崇尚實政不事沽名邀譽之
爲而讀書應舉之人亦頗能屏去浮囂奔競之習則
建立書院擇一省文行兼優之士讀書其中使之朝

光州志

卷三

書院志

九

夕講誦整躬勵行有所成就俾遠近士子觀感奮發
亦興賢育才之一道也督撫駐劄之所爲省會之地
著該督撫商酌舉行各賜帑金一千兩將來士子羣
聚讀書豫爲籌畫資其膏火以垂永久其不足者在
於存公銀內支用封疆大臣等並有化導士子之職
各宜殫心奉行黜浮崇實以儲國家菁莪棫樸之選
如此則書院之設有裨益於士習民風而無流弊乃
朕之所厚望也今

皇上乾隆元年諭書院之制所以導進人才廣學校所

不及我

世宗憲皇帝命設之省會發帑金以資膏火恩意至渥矣
古者鄉學之秀始升於國然其時諸侯之國皆有學
今府州縣學並建而無遞升之法國子監雖設於京
師而道里遼遠四方之士不能胥會則書院卽古侯
國之學也居講席者固宜老成宿望而從遊之士亦
必立品勤學爭自濯磨俾相觀而善庶人材成就足
脩朝廷任使不負教育之意若僅攻舉業已爲儒者
末務况藉爲聲氣之資游揚之具內無益於身心外

光州志

卷三

書院志

十

無裨於民物卽降而求文章成名足希古之立言者
亦不多得寧養士之初指耶該部卽行文各省督撫
學政凡書院之長必選經明行修足爲多士模範者
以禮聘請負笈生徒必擇鄉里秀異沉潛學問者肄
業其中是特才放誕佻達不羈之士不得濫入書院
中酌做朱子白鹿洞規條立之儀節以檢束其身心
做分年讀書之法予之程課使貫通乎經史有不率
教者則擯之勿留學臣三年任蒞諮訪考核如果教
術可觀人材興起各加獎勵六年之後著有成效奏

請酌量議敘諸生中材器尤異者准令薦舉一二以示鼓舞今直省各督撫皆慎擇師徒加意考課而直省各府州縣亦皆仰承

雅化建立書院擇師設教造就多士班固所云四海之內學校如林獻酬交錯俎豆莘莘者此其時矣

國朝康熙五十二年知州劉學禮創建龍門書院於城北東郊外時州民李魁捐學田二十一畝八分在城北鄧家店林石捐學田十一畝在城南傳流店張澤捐學田二十八畝在城北毛庄廟三處地銀俱係

光州志

卷三

書院志

十一

閣州紳士攤認不入糧冊又龍門外房基地十三間有奇租銀三兩七錢六分清晏門外房基地二十一間又十三丈七尺其租銀十三兩許公祠兩傍空地止許租種不許蓋造其租銀一兩寧安門外房基地三十間租銀十八兩又房基地八間租銀四兩八錢大橋南頭房地基九間有奇租銀十一兩四錢乾隆三十六年知州吳一嵩續置白宿店田十五畝五分又一段三十五畝六分朱陂店田五十八畝七分五釐延山長主之酌定每歲額費山長脩儀三十兩膳

資三十兩肄業童生二十名每名按月支給膏火
三錢乾隆六年撫軍雅爾公斯圖通飭距省三百里
以外之府及直隸州各設書院時護州印息縣知縣
梁觀我權立書院於南城之水月觀酌議每年州及
四屬公捐銀二百三十五兩以爲師生膳膏之資二
十五年知州吳一嵩創建弋陽書院於南城官湖北
岸內講堂三楹東西廂房各三楹前中二門五楹東
西兩楹隔以垣居直門者外中大門五楹周圍繚以
垣崇七尺堂後正庭三楹內庭五楹左右齋房各六

光州志

卷三

書院志

三

楹右小齋二楹茶房二間厨房三間州民馮昌後捐
馬家湖田一頃一畝李洪舉捐駱家店田二十畝楊
徐氏捐呂家店田三十畝歲輸之租知州吳一嵩增
入弋陽書院以助額費之不足酌定山長每歲脩儀
六十兩膳資六十兩肄業生員十二名本州四名每
縣各二名每名按月支給膏火銀九錢火夫工食銀
七兩後來學者多本州續增肄業二名每縣各續增
肄業一名因加增火夫一名歲費不敷州及四屬又
每年加捐銀五十五兩光山涑水書院在縣治北元

至元間知縣帖木而不花建堂爲七楹中祀司馬溫公傍延師席闢齋五聚邑士誦讀室庖廩井備具置稻田一頃四十五畝六分收歲入以贍且以供祀事國朝康熙十八年知縣楊臣隣重修乾隆二十四年知縣德貴又修宏道書院在縣治西明萬歷間邑人蔡毅中建社學在北門內明成化十三年知縣困益建

國朝康熙二十四年知縣楊之徐重修捐俸延師教讀民間子弟固始古蓼書院在啓聖祠後外中門三

光州志

卷三

書院志

三

楹顏曰近聖人之居內講堂三楹曰敬一堂堂前東齋八楹曰致遠齋齋南文公祠三楹祠南明志齋九楹堂後大經閣五楹閣後星聚亭一楹亭前西齋五楹曰墨雲齋亭後正庭五楹曰五雲深處皆康熙二十九年知縣楊汝楫創建并置田三處一在東鄉分水亭皂角樹南稞十七石九斗一在南鄉袁家馭稞十七石一生員劉述捐田一段稞十五石六斗亦在分水亭皂角樹南體乾學在城內康熙十九年知縣梁欽構建舊有學田二處一般家灣八十八畝三分

一土橋舖四十四畝三分又生員武養遂捐銀錠橋
魚塘三處歲得租銀一兩五錢法聖學在東關古蓼
灣康熙二十七年知縣楊汝楫建學傍有房四間歲
收租一十四兩八錢思孝學在西關西方庵有學田
一段在九里溝歲收稞一十五石三斗天衢學在泉
河舖康熙三十三年知縣楊汝楫建捐買許龍運田
八十六畝五分坐落龐家河又生員桂其昌捐楊家
堰田一段歲收租七石五斗生員萬象晉捐東岳廟
田一段歲收租六石遜志學在石佛店康熙三十五

光州志

卷三

書院志

古

年知縣楊汝楫建本年查出官田二十六畝在清河
集東又查出官田二十五畝在李家橋俱撥入遜志
學充用至善學在張庄康熙三十三年知縣楊汝楫
建大門一楹講堂三楹東齋三楹聖殿三楹文昌祠
三楹生員任逢聖兄弟公捐地基生員吳用烈捐田
十七畝在張庄南又七十一畝在晏家庄吏員曹繼
彬捐田五十一畝亦在晏家庄生員杜暹捐田七十
二畝在北廟保又房基地租歲收銀一十四兩五分
俱歸至善學充用景賢學在期思鎮康熙三十四年

知縣楊汝楫建捐買許振許家岡田五十畝零三釐
又買任煥許家岡田四十畝歲人之租俱歸景賢學
充用紹光學在楊家集學田四處在喻家冲者十五
畝三分在尹家孤堆者二十一畝四分在南岳廟前
者十畝在河老人店西者一十八畝俱康熙三十四
年知縣楊汝楫置允升學在馬堙康熙三十四年知
縣楊汝楫建學基係生員薛藩周應科捐田一段在
胡百戶店歲收稞十二石又一段在曲河東歲收租
五石係解元宋生等捐不息學在往流集康熙二十
九年知縣楊汝楫捐置民人車肇田二十五畝肇自
捐田二十五畝俱在東岳廟南又民人黃世熙捐田
九畝在葉家橋西單可教捐田三十五畝三分在府
君社南監生張廷揆捐田一項一十八畝在李家寨
東又本集內房基地歲租銀三兩三錢俱歸不息學
充用龍惕學在觀音堂集學內田一段十五畝一段
三畝俱在集東鍋底塘係民人銓熙捐尊聞學在北
廟集生員洪振鐸捐陵陂塘南田四十畝本集西街
房基地三間歲收租歸學充用又乾隆十九年知縣

楊潮觀於縣治東創立臨淮書院前大門五楹二門
三楹講堂五楹東西齋舍各七楹入後正廳五楹左
右書室各四楹並置學田三頃八十六畝及市房一
所歲收田租六百五十石房租錢五十千以贍歲費
息縣正學書院在聖廟東正樓五楹祀宋明以來先
儒十二人

見壇廟志

前庭三楹延師席東西廂房各三楹

爲諸生肄業之所中門三楹外門三楹順治十一年
知縣邵光裕建舊無學田乾隆二年知縣梁觀我詳
請於晉濟堂生息盈餘銀內歲支三十六兩以資師
生膏火社學在縣治東南明成化間置商城義學在
縣治西南明嘉靖二十九年知縣萬炯建

國朝康熙二十八年知縣許全學重修舊無學田乾

隆八年邑拔貢生熊啓徽捐入田二十畝歲收租三

十六石及租錢三千三百文以資師生膏火又乾隆

三十三年知縣林斌建立文峯書院率邑紳士捐買

民房改創講堂齋舍共四十六間並置學田三頃八

十九畝歲收租以贍膏火來院肄業生員二十名附

課童生二十一名凡州及四屬書院義學皆有師長

至之而擇其地之秀者受業焉長吏亦不時校課與
其學進而業修雖然今之爲學果惟其文之爲乎抑
斷其道實體於躬而德實凝於心乎先儒謂文詞末
也道德實也欲斷道體於躬而德凝於心則必以聖
賢爲指歸以格物致知誠意正心修身爲階梯以齊
家治國平天下爲分量循序以進以求造乎其極夫
然後處不愧於已出可用於世而其所從入之方則
不外於研經以立其本讀史以窮其用泛覽於諸子
百家以極其變約之以五子性理以歸於一而經學

之與漢唐諸儒探賾索隱於先王名物度數綦詳宋
元以來切求諸理義精微之蘊德性問學細大畢貫
學者必兼綜旁通乃旣其趣至讀史必先提其大綱
次及細目窮治亂興衰之故辯君子小人之分每讀
一卷須掩卷深思以已身設處其間某事當行某事
當止某事如何措置始可以制治未亂轉敗爲功某
事如何設施始可以反經明道訓世化俗而諸子百
家皆與經史性理互有發明須遐搜博覽啓其睿思
始覺經與性理之旨包括萬有純粹以精優游涵泳

洞然淵然今諸生業已執經授業自命爲學人豈徒以呻其佔畢驚文詞博科名而已哉爲長吏者兼父母師保之任其致望於諸生者豈第以是爲能事已哉普天之下承

累世休養之澤與今

教勸學之典長吏期以實學教士士期以實學自勉業成行立庶進可以爲時楨幹退可以爲鄉國式型而官茲土者教行化洽比戶絃歌亦洋洋然樂無有涯矣

光州志

卷三

書院志

六

龍門書院創於前刺史劉公可立在東郭外傍雩壇擅一州之勝槩乾隆庚辰前刺史新建吳公位中建弋陽書院於南湖之陽生徒遷焉此地爲童子肄業之所嗣因路隔城闈移入喻家香火祠而舊時書院廢爲僧寮久矣祠後甚湫隘適旁舍有求售者余亟購之積屋十有七楹而門序東位講藝之堂棲士之舍皆嚮明前有隙地數弓栽蒔花木讀書之暇咸得游息其中聘孝廉賀君祝華主講席師徒修殮悉如其舊未暇稍拓前規余滋愧矣乾隆辛卯三月既望

開封司馬署州事錢塘朱家濂識

光州志

卷三

書院志

十九



